


RUBEN ODOR TA PRESENTA SU DI TRES OBRA LITERARIO YAMA "VOZ DI MI TERA"



ORANJESTAD (AAN) -- Ayera atardi DIARIO a entrevista Sr. Ruben Odor, kende diahuebs venidero ta bay presenta su di tres produccion literario. Ta trata aki di un buki di poesia patriotico yama "Voz di mi Tera".

un homenahe na e pacifico pueblo Caiquetio y pa mantene bibo tur loke e pueblo aki a laga pa nos Cu un deseo di cultiva e amor patrio den curazon di Arubanonan y pa e generacion futuro".

Tabata tin diferente persona bo tras pa stimulabo den e culminacion di e obra aki?

"Sigur. Pa cumenza mi mayornan, y varios persona cu despues di tabata sufri un malesa a bisami pa mi sigui traha riba e obra aki, y lubida un poco riba poesianan di sufrimento".

Ki dia bo ta bay presenta e obra aki pa publico?

"E buki ta bay mira luz dia 5 di September awor, na Biblioteca Nacional, pa 7'or di anochi".

E obra literario "Voz di Mi Tera" lo worde bendi pronto den tur libreria di Aruba.

Finalmente Ruben Odor kier a manda palabranan di gradicimento pa tur e perso-

nanan di un of otro manera a dune un apoyo pa e realizacion di e buki aki.

Ki otro sorpresa literario

nos por spera di Ruben?

"Wel, actualmente mi ta ocupa preparando dos obra, no di poesia, sino di storia. Un

ta di Aruba basa riba cien aña pasa, y e otro ta basa riba diferente storia pa hende grandi y pa mucha".

Cuanto tempo pasa e semia pa e buki aki nace a worde sembra?

"Mas cu binti aña pasa!. E temponan ey mi tabata hiba mi inspiracionnan cerca Sr. Jossy Mansur pa e haci e trabao di repasa e parti di ortografia. E ta esun cu semper tabata bisami pa mi sigui skirbi pa mi tera. Asina mi a cumenza. Tabata dificil pa haya tur e informacionnan tocante e nombrenan original di lugarnan, cual hopi a bay perdi. Y mi a hayami den otro contratemponan cu un dia mi a coge e envelop cu loke mi a skirbi warda nan den un cashi".

Ki dia Ruben a saca e material valioso aki for di cashi?

"Como tres aña pasa mi a saca nan bek, y mi a pone bastante dedicacion pa termina e obra literario aki".

Cuanto tempo a tuma pa mira e poesianan aki den forma di buki?

"El a tuma mas of menos cinco luna, pa pone tur e poesianan hunto y worde edita".

Di cuanto poesia e buki ta consisti y na ken bo a dedica e obra aki?

"E buki aki ta consisti di algo mas cu shen poesia, cada un dedica na Aruba. Ta pa promebiaha cu un obra di poesia ta ser dedica completamente na Aruba.

Mi a produci e obra aki como